



Broj: 04- 2590-2/24

Datum: 19.11.2024. godine

Na osnovu člana 17 tačka c) i d) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27. tačka a) Statuta Zavoda za zapošljavanje Brčko distrikta BiH – prečišćeni tekst (broj: 04-111/20 i 04-1372/20), člana 4. stav (1) Pravilnika o finansiranju i sufinansiranju programa i projekata od javnog interesa udruženja, fondacija i drugih pravnih i fizičkih lica od strane Zavoda za zapošljavanje Brčko distrikta BiH (broj: 04-1710/21), Plana rada Zavoda za zapošljavanje Brčko distrikta BiH za 2024. godinu, Upravni odbor Zavoda za zapošljavanje Brčko distrikta BiH, donio je Odluku (broj: 04-2590 /24), da se objavi

JAVNI POZIV

za finansiranje i sufinansiranje programa i projekata od javnog interesa udruženja, fondacija i drugih pravnih i fizičkih lica za Program usklađivanja tržišta rada i sistema obrazovanja – karijerno usmjeravanje i savjetovanje

I. Cilj Programa

Cilj Programa usklađivanja tržišta rada i sistema obrazovanja – karijerno usmjeravanje i savjetovanje je stvaranje uslova za:

- Pomoć mladim u odabiru kvalitetnijeg i konkurentnijeg obrazovanja koje će im obezbijediti da lakše pronađu zaposlenje, sa ciljem prevencije nezaposlenosti,
- Pomoć poslodavcima pri odabiru kvalitetnih kadrova,
- Uspostavu bolje komunikacije i saradnje sa poslodavcima u cilju dobijanja pravovremenih informacija o potrebama poslodavaca za radnicima određenih profila,
- Uspostavu bolje komunikacije i saradnje sa sektorom obrazovanja u cilju obrazovanja kadrova potrebnih za tržište rada,
- Smanjenje broja dugoročno nezaposlenih lica sa evidencije Zavoda za zapošljavanje Brčko distrikta BiH,
- Smanjenje ukupnog broja nezaposlenih lica sa evidencije Zavoda za zapošljavanje Brčko distrikta BiH,
- Povećanje mogućnosti za brže zaposlenje mladih.

Aktivnosti za realizaciju Projekta:

- Saradnja Zavoda za zapošljavanje Brčko distrikta BiH, poslovne zajednice, Vlade Brčko distrikta BiH (Odjeljenja za obrazovanje i Odjeljenja za privredni razvoj, sport i kulturu) i civilnog sektora sa područja Brčko distrikta BiH,
- Omogućiti savjetovanje učenika osnovnih škola sa ciljem lakšeg i kvalitetnijeg odabira srednjoškolskog obrazovanja, odnosno, zanimanja,
- Omogućiti savjetovanje učenika srednjih škola sa ciljem lakšeg i kvalitetnijeg odabira konkurentnijeg zanimanja na tržištu rada, odnosno odabira visokoškolske ustanove u kojoj žele nastaviti školovanje,
- Sačiniti materijale, kojim će se vršiti promocija srednjih škola i visokoškolskih ustanova i u kojima će biti dostupne sve potrebne informacije za osnovce, srednjoškolce i roditelje,
- Kampanja promocije obrazovnih profila zanatske djelatnosti - uspostava kontakta sa udruženjima poslodavaca i privrednicima, što bi omogućilo učenicima završnih razreda osnovne škole, upoznavanje sa poslovnim ambijentom i radnim mjestima u profilima zanatske djelatnosti,
- Kreirati i provesti aktivnost približavanja procesa rada poslodavaca učenicima 8. i 9. razreda osnovnih i učenicima 3. i 4. razreda srednjih škola, te nezaposlenim licima,
- Izvršiti anketiranje najmanje 200 poslodavaca sa područja Brčko distrikta BiH, koji imaju preko 5 zaposlenih, iz različitih djelatnosti, a u cilju prikupljanja podataka o traženim obrazovnim profilima/zanimanjima na tržištu rada, na osnovu



utvrđenog Upitnika službi za zapošljavanje BiH, koji je Zavod za zapošljavanje Brčko distrikta BiH u obavezi dostaviti izvođaču ankete,

- Sačiniti pisani Izvještaj o istraživanju tržišta rada 2024/2025 na osnovu provedene ankete (printana i word verzija Izvještaja dostavlja se Zavodu najkasnije do 28.02.2025. godine),
- Sačiniti materijale na osnovu provedene ankete poslodavaca koji će omogućiti mladima, koji traže zaposlenje da lakše dođu do neophodnih informacija,
- Uspostaviti kancelariju za karijerno savjetovanje i koordinaciju aktivnosti Programa usklađivanja tržišta rada i sistema obrazovanja – karijerno usmjeravanje i savjetovanje,
- Uraditi efekte mjerenja kod anketiranih učenika koji su učestovali u radu Kancelarije odnosno odslušali karijerno savjetovanje,
- Sajam obrazovanja i zapošljavanja kao događaj Programa koji bi na jednom mjestu okupio predstavnike srednjih škola i visokoškolskih ustanova iz Brčko distrikta BiH i okruženja, koji bi prezentovali svoje programe, učenicima i studentima, kao i poslodavce sa područja Brčko distrikta BiH i okruženja, gdje bi isti prezentovali svoje potrebe za zapošljavanjem (u periodu od marta do maja 2025. godine),
- Kreirati i sprovesti promotivnu kampanju,
- Blagovremeno obavijestiti Zavod za zapošljavanje Brčko distrikta BiH o planiranim aktivnostima za naredni mjesec kao i o postignutim rezultatima i realizovanim aktivnostima za prethodni mjesec.

II. Pravo učešća

Na Javnom pozivu mogu učestovati udruženja, fondacije i druga pravna i fizička lica koja su registrovana za obavljanje aktivnosti koje su vezane za program ili projekat od javnog interesa, odnosno čiji ciljevi su saglasni sa ciljevima programa, odnosno projekta od javnog interesa.

Članom 7. Pravilnika za finansiranje i sufinansiranje programa i projekata od javnog interesa udruženja, fondacija i drugih pravnih i fizičkih lica od strane Zavoda za zapošljavanje Brčko distrikta BiH, propisano je koja udruženja i fondacije, odnosno pravna i fizička lica nemaju pravo učešća na Javnom pozivu.

III. Opšti i posebni kriterijumi

Izbor programa i projekata vrši se na osnovu opštih i posebnih kriterijuma.

Opšti kriterijumi za ocjenu programa, odnosno projekta prijavljenih na Javni poziv su:

- a) procjena usklađenosti ciljeva programa, odnosno projekta sa ciljevima i prioriternim područjima te strateškim i drugim planskim dokumentima razvoja Distrikta i planovima Zavoda, kako su opisani u Javnom pozivu;
- b) kvalitet i sadržaj prijavljenog programa, odnosno projekta;
- c) kvalitet dosadašnjeg rada, uspjesi i iskustva, te kontinuitet saradnje sa Zavodom;
- d) neposredna društvena korist za zajednicu;
- e) finansijska i druga sposobnost za provođenje projekta, te realan odnos troškova i očekivanih rezultata aktivnosti programa, odnosno projekta;
- f) održivost rezultata programa, odnosno projekta.

Posebni kriterijumi za odabir programa odnosno projekta:

- a) dosadašnje iskustvo u provođenju programa i projekata finansiranih iz istog ili drugih izvora;



- b) organizovanost, opremljenost i broj članova udruženja, odnosno ekvivalentni kapaciteti pravnog, odnosno fizičkog lica, kapaciteti u smislu zaposlenih na neodređeno vrijeme, odnosno broj lica koja bi učestvovala u realizaciji programa, odnosno projekta;
- c) angažman djece, mladih, žena, osoba sa invaliditetom u realizaciji programa, odnosno projekta;
- d) izjava nosioca programa odnosno projekta da nije dobio sredstva za finansiranje odnosno, sufinansiranje istog programa, odnosno projekta od strane budžetskog korisnika.

IV. Prihvatljivi i neprihvatljivi troškovi provođenja programa odnosno projekta

Prihvatljivi troškovi su troškovi koje je imao korisnik finansiranja, a koji ispunjavaju sve sljedeće kriterijume:

- a) nastali su za vrijeme perioda provođenja programa odnosno projekta u skladu sa ugovorom;
- b) moraju biti navedeni u ukupnom predviđenom budžetu programa odnosno projekta od javnog interesa;
- c) nužni su za provođenje programa odnosno projekta od javnog interesa koji je predmetom dodjele finansijskih sredstava;
- d) mogu biti identifikovani i provjereni i računovodstveno su evidentirani kod korisnika finansiranja prema važećim propisima;
- e) trebaju biti umjereni, opravdani i usaglašeni sa zahtjevima racionalnog finansijskog upravljanja, posebno u odnosu na štedljivost i učinkovitost.

Troškovi navedeni u budžetu programa odnosno projekta od javnog interesa moraju se zasnivati na realnoj cijeni i/ili procjeni. Budžet programa odnosno projekta od javnog interesa mora biti planiran ekonomično i efikasno, tj. navedeni troškovi moraju biti neophodni za provođenje programa odnosno projekta od javnog interesa.

Direktni troškovi su oni troškovi koji su u direktnoj vezi s provođenjem i ostvarenjem ciljeva programa, odnosno projekta od javnog interesa, odnosno direktno povezani s pojedinačnom aktivnosti programa, odnosno projekta i kada se veza s tom pojedinačnom aktivnošću može pokazati.

U indirektno prihvatljive troškove ubrajaju se oni troškovi koji nastaju u okviru programa odnosno projekta, ali nisu u direktnoj vezi s ostvarenjem jednog ili više ciljeva programa odnosno projekta, odnosno nisu direktno povezani ili se ne mogu povezati s pojedinačnom aktivnošću programa odnosno projekta. Takvi troškovi uključuju i troškove za koje je teško utvrditi tačan iznos koji se može pripisati određenoj aktivnosti, odnosno troškove kod kojih je iznos moguće procijeniti samo obračunom po posebnoj metodologiji. Uz navedeno, indirektno troškove čine: troškovi usluga računovodstva, troškovi usluga čišćenja, troškovi telefona, komunalnih usluga, najma kancelarijskog prostora u dijelu koji se koristi za upravljanje projektom, troškovi poštarine, kancelarijskog materijala i sl.

Indirektni troškovi nosilaca programa odnosno projekata koji se mogu odobriti, izračunavaju se primjenom fiksne stope do 15% od prihvatljivih direktnih troškova.

Neprihvatljivim troškovima smatraju se:

- a) dugovi i stavke za pokrivanje gubitaka, dugova, kazni i slično;
- b) dospjele kamate;
- c) stavke koje se već finansiraju iz javnih izvora;
- d) kupovina zemljišta ili građevina, osim kada je to nužno za direktno provođenje programa odnosno projekata;
- e) gubici na kursnim razlikama;
- f) zajmovi trećim stranama.



- g) pokloni (osim kada je to nužno za direktno provođenje programa odnosno projekta aplikantata koji su registrovani za obavljanje humanitarnih aktivnosti),
- h) kupovina vozila (osim ako je to nužno za direktno provođenje programa, odnosno projekta),
- i) lično životno osiguranje,
- j) ostale isplate koje nisu predviđene relevantnim zakonskim propisima.

V. Spisak neophodne dokumentacije za učešće na javnom pozivu

Pravna i fizička lica iz odjeljka II koja podnose prijave za učešće na Javnom pozivu dužna su dostaviti:

- a) prijavu na Javni poziv (aneks II);
- b) prijedlog programa odnosno projekta od javnog interesa (aneks III);
- c) potpisan i ovjeren budžet programa odnosno projekta od javnog interesa (aneks IV);
- d) logičku matricu (aneks V);
- e) izjavu o partnerstvu sa drugim organizacijama i licima, ukoliko više pravnih i fizičkih lica učestvuje zajedno u podnošenju prijave (aneks VI);
- f) potpisanu izjavu o nepostojanju okolnosti koje zabranjuju učešće pravnog ili fizičkog lica na Javnom pozivu;
- g) potpisanu izjavu nosioca programa odnosno projekta da nije dobio sredstva za finansiranje odnosno sufinansiranje istog programa odnosno projekta od drugog budžetskog korisnika;
- h) dokaz o izmirenim poreskim obavezama ili sporazum zaključen sa Poreskom upravom o odgodi plaćanja neizmirenih poreskih obaveza pravnog ili fizičkog lica;
- i) kopija važećeg statuta, ovjerenog od strane relevantne institucije kod koje je aplikant registrovan (za pravna lica);
- j) kopija Rješenja o registraciji sa svim pripadajućim priložima (za pravna lica);
- k) aktuelni izvod iz registra pravnih ili fizičkih lica nosilaca ili partnera nosilaca predloženog programa odnosno projekta od javnog interesa koji nije stariji od tri mjeseca.

Ukoliko prijavu podnosi fizičko lice, dužno je dostaviti kopiju identifikacionog dokumenta, te popunjene i potpisane obrasce, neophodne za učešće na Javnom pozivu.

Nepotpune, neblagovremene i prijave podnesene od neovlaštenog lica neće biti uzete u razmatranje.

VI. Finansijski okvir

U skladu sa Planom rada Zavoda za zapošljavanje Brčko distrikta BiH, obezbijedena su sredstva u iznosu od 70.000,00 KM za realizaciju Programa usklađivanja tržišta rada i sistema obrazovanja – karijerno usmjeravanje i savjetovanje.

Sredstva, za planirane aktivnosti iz Programa usklađivanja tržišta rada i sistema obrazovanja – karijerno usmjeravanje i savjetovanje, isplaćuju se sa računa Zavoda, ekonomski kod: 614239023 – Program usklađivanja tržišta rada i sistema obrazovanja u 2024. godini – karijerno usmjeravanje i savjetovanje.

Sredstva se za planirane aktivnosti iz Programa usklađivanja tržišta rada i sistema obrazovanja – karijerno usmjeravanje i savjetovanje, isplaćuju sa računa Zavoda, zbog kompleksnosti aktivnosti, u tri tranše, na početku realizacije, nakon realizacije prva tri mjeseca aktivnosti, i na kraju realizacije svih aktivnosti (nakon dostave Konačnog izvještaja o provedenim aktivnostima i finansijskog izvještaja). Omjer tranši po kojima se vrši isplata je 30%-50%-20%.

Rokovi i način isplate biti regulisani ugovorom.

Maksimalni iznos za pokriće administrativnih troškova (sredstva rezervi za neplanirane situacije u svrhu realizacije projekta i programa) je 7% od ukupnog iznosa dobijenih sredstava.



VII. Način bodovanja

Komisija boduje podnesene prijedloge programa odnosno projekta prema opštim i posebnim kriterijumima, na način da se svaki pojedinačni kriterijum vrednuje u rasponu od 1 do 10 bodova. Ukupan broj bodova za ocjenu prijavljenog programa odnosno projekta predstavljaće zbirni broj bodova članova Komisije, prema opštim i posebnim kriterijumima.

Finansiranje, odnosno sufinansiranje programa odnosno projekta neće biti odobreno ako prijavljeni program odnosno projekat u postupku bodovanja ne ostvari minimalno 70% (sedamdeset posto) maksimalnog broja bodova prema kriterijumima za ocjenu.

VIII. Vrijeme trajanje programa odnosno projekta

Lokacija provođenja aktivnosti: područje Brčko distrikta BiH.

Vremenski okvir: decembar 2024. godine - maj 2025. godine, Sajam kao završna aktivnost (u periodu od marta do maja 2025. godine).

Maksimalan vremenski okvir za provođenje aktivnosti utvrđenih ovim Programom je pet mjeseci.

IX. Način prijavljivanja

Obrazac prijave sa prpratnom dokumentacijom za učešće na Javnom pozivu, možete preuzeti na internet stranici: www.zzzbrcko.org

Prijavu za učešće na Javnom pozivu popuniti isključivo u elektronskoj formi i dostaviti u zatvorenoj koverti, sa naznakom: "PRIJAVA NA JAVNI POZIV ZA FINANSIRANJE I SUFINANSIRANJE PROGRAMA I PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA OD STRANE ZAVODA ZA ZAPOSŁJAVANJE BRČKO DISTRIKTA BIH – NE OTVARATI, OTVARA KOMISIJA".

Sa druge strane koverte navesti naziv aplikanta, te prijavu dostaviti putem protokola Zavoda za zapošljavanje Brčko distrikta BiH ili putem pošte na adresu – Zavod za zapošljavanje Brčko distrikta BiH, Fra Šimuna Filipovića br. 2, Brčko distrikt BiH.

Za sve potrebne informacije možete se obratiti putem e-maila: info@zzzbrcko.org ili putem telefona: 049/217-411.

Ostale napomene:

Javni poziv počinje teći od 19.11.2024. godine i završava se 04.12.2024. godine u 15.30h i biće objavljen na internet stranici Zavoda: www.zzzbrcko.org.

Jedan aplikant može kandidovati jedan program, odnosno projekat po ovom Javnom pozivu. Samo prijave koje su u skladu sa Javnim pozivom će biti uzete u razmatranje za dodjelu sredstava. Odabir programa odnosno projekata koji će biti finansirani po Javnom pozivu vrši Komisija na osnovu kriterijuma iz odjeljka III, i rang listu odabranih programa odnosno projekata dostavlja direktoru / Upravnom odboru Zavoda na dalje postupanje.

Rezultati Javnog poziva, odnosno odabira programa ili projekta će biti objavljeni na internet stranici Zavoda za zapošljavanje Brčko distrikta BiH.

Zavod će na sve pristigle prijave, po ovom Javnom pozivu, dostaviti pisano obavještenje o izboru programa odnosno projekta, kao i obrazloženje o razlozima neprihvatanja programa odnosno projekta.

Na rezultate odabira programa ili projekta, od momenta objave na internet stranici Zavoda za zapošljavanje Brčko distrikta BiH, aplikanti imaju pravo žalbe u roku od osam dana. Žalbe na rezultat odabira mogu se uputiti Upravnom odboru Zavoda, u pisanoj



ZAVOD ZA ZAPOŠLJAVANJE BRČKO DISTRIKTA BiH
ЗАВОД ЗА ЗАПОШЉАВАЊЕ БРЧКО ДИСТРИКТА БИХ
EMPLOYMENT INSTITUTE OF BRČKO DISTRICT OF BiH



Fra Šimuna Filipovića br. 2,
76100, Brčko distrikt BiH



049 217 411



049 217 412



Фра Шимуна Филиповића бр. 2,
76100, Брчко дистрикт БиХ



www.zzzbrcko.org



info@zzzbrcko.org

formi, sa naznakom „Žalba na objavljeni rezultat odabira po Javnom pozivu za finansiranje i sufinansiranje programa i projekata od javnog interesa udruženja, fondacija i drugih pravnih i fizičkih lica od strane Zavoda za zapošljavanje Brčko distrikta BiH“ u Zavodu za zapošljavanje Brčko distrikta BiH, ulica Fra Šimuna Filipovića br. 2.

Planirani datum donošenja odluke o finansiranju ili sufinansiranju programa, odnosno projekata je **16.12.2024.** godine, koja će biti objavljena na zvaničnoj internet stranici Zavoda za zapošljavanje Brčko distrikta BiH, a predviđeni rok za zaključivanje ugovora sa nosiocima odobrenih programa, odnosno projekata je, najkasnije 14 dana od dana, donošenja odluke.



Predsjednik Upravnog odbora

/ Ilija Gorčić, dipl. oec /